

Delegat Krunoslav Vrdoljak postavio je dva pitanja Vijeću ministara BiH.

Prvo pitanje glasi:

„ Više puta do sada postavljano je pitanje kakvim međudržavnim odnosom je regulirano pitanje hidroakumulacije Buško Blato.

Odgovori su, osim nekih netačnih podataka, ukazivali da nema nikakvih ugovora ili drugih akata između BiH i Republike Hrvatske kojima se regulira taj odnos.

Da li je od početka mandata do danas Vijeće ministara BiH pokušalo razgovarati s nadležnim u Hrvatskoj s ciljem otvaranja tog problema i početka njegovog rješavanja?“

Drugo pitanje upućeno također Vijeću ministara BiH glasi:

„Republika Hrvatska zatvorila je granični prijelaz Kamensko od 1.4. do 1.6.2014. za prijevoz svih roba, a zbog rekonstrukcije, odnosno izgradnje objekta za rad carinskih službi. Radovi se izvode na prostoru koji je potpuno van objekata i putne mreže koji su do sada služili za normalno odvijanje robnog prometa, te prema tome nema nikakvog razloga za njegovu obustavu.

Predlažem Vijeću ministara BiH da posredstvom Uprave za indirektno oporezivanje BiH i nadležnog ministarstva pokuša dogovoriti s nadležnim tijelima Republike Hrvatske otvaranje tog graničnog prijelaza za robni promet, jer prijevoznici i špediteri dnevno gube značajna sredstva.

Intervencija bi, naravno, trebalo da uslijedi veoma hitno.“